

四庫全書

集部

欽定四庫全書

集部

皇甫少玄外集卷六

六至

詳校官監察御史臣曹坦

中書臣劉源溥履勘

總校官進士臣楊懋珩

校對官學正臣陳木

謄錄監生臣汪緣

欽定四庫全書

皇甫少玄外集卷六

明 皇甫孝 撰

五言律詩

長安二十二夜

不寐空搔首
星辰永夜寒
市朝霜際靜
刁斗月中殘
漢
捷通關
早王師去國難
北山雲滿眼
愁絕對長安

別子允

四月同為客，予今別汝歸。萬行晴柳色，千里暮春暉。努力須華仕，期君在速飛。丈夫非愛泣，柰此易沾衣。

對月

初圓江上月，遙出汶陽城。河漢經年恨，關山此夜情。氣銷渾易攬，輪滿似難傾。想妬閨中影，含啼夢未成。

入沛

問俗尚魚臺，行舟逐曉開。望從江上去，歌發沛中來。雲物移鄉路，風花盡客杯。明朝棲隱處，誰共拂青苔。

城角

城角催鄉夢天邊夜未央
斷雲遙極目纖月自清光
露冷侵衣濕江喧帶枕長
且懽兄弟語差得慰殊方

彭城道中

千古興王地遺墟草樹存
登臨當落日形勝自中原
江與雄圖逝山疑戰氣昏
楚歌休夜誦恐感泣姬魂

白髮

落日家何在危檣酒易酣
塵沙連薊北星月動淮南
駛

節愁還悸殊風久亦諳鏡中添白髮有賦續嵇含

前村

寒江初罷雪風色近桃花送酒青原外看山到日斜墟
烟籠戶暖沙鳥去人賒藝植親幽事前村處士家

竹堂寺

清絕城隅寺頻遊興轉新松房寒帶雨梅牖早含春每
愧論當世空思托此身飄飄對支遁得意出風塵

聞鴈

客畏湘南鴈聲傳湖外羣風塵年冉冉洲渚影紛紛細
雨愁難寐孤舟夜獨聞秋來足飄泊一任楚江雲

有懷喬白巖司馬

風肅園陵樹霜天戰角悲後湖衰草色空對漢官儀辛
苦趨朝日羈危扈聖時江都千萬舸老淚不禁垂

再懷白巖

江上日搖落洞庭波已寒關河滯車輦霜露泣衣冠遠
道風塵暗孤城歲月殘老臣天地念獨立強加餐

問訊

問訊南征卒，刀頭望眼懸。
防關秋寂寂，獵騎曉翩翩。
風起邊雲斷，城高海月圓。
清砧萬里夢，終夜繞江天。

過南庄

谷口晴光動，溪邊野望長。
綠蘿登水榭，白鷺遠漁梁。
歸馬看山色，樵歌起夕陽。
悠然念禾黍，身世已相忘。

二紀

二紀驚心事，悲哉江上秋。
物情供自適，詩興敵深愁。
戍

馬勝多酒雲山倦倚樓時時思賈傅寂寞淚長流

再送杜戶部子實

南極軍麾滿西江使節歸長淮災日苦古潤暮濤飛粉
署花應落霜洲鴈亦稀玉尊千里興秋到一沾衣

遣賦

晚景聊耽閬苑林前雨氣寒客中差識瓠佩裏尚多蘭寢
瘵驚時序懷仙滯羽翰北窓清入夢人世不同看

送顧武祥會試二首

薊雪何年斷淮河不盡流孤蓬鄉國別千里帝城遊沙
草隨行騎邊雲引客裘春朝花萬戶爭入鳳池頭

其二

落日晉陵城風塵送遠行巖容臨海淨雲色入邊清我
有青山卧君成紫闕名梅花四千里驛使問南征

酬慰子循

故園冬日暮懷抱各淒其霜落寒江遠山空夜月遲清
尊雙劍隔班鬢一燈垂尚及終軍歲浮名莫浪悲

奉送顧東橋入覲二首

五馬經行地，秋風水國長。
幾年重作郡，萬里憶浮湘。
潤月臨鄉早，淮雲拂旆涼。
聖朝存直道，何必歎馮唐。

其二

自憶論文舊，仍悲別酒新。
蕭條連邑里，搖落帶河津。
南紀瘡痕泣，西江戰伐塵。
此行憂國意，應有涕沾巾。

簡子循

連日新秋雨，深添宋玉悲。
攬衣嫌急序，望遠惜幽期。
楚

楚松常對飄飄鴈欲隨
攜尊頻就汝嘉話解人頤

寄東侍御二首

舊日霜臺使清風莫與儔
美談人不減孤眺淚空流
渭水浮雲暮秦城落木秋
寒江今夜夢偏傍隴西頭

其二

悵立清沙外天涯忍獨看
登車心自苦前席望逾難
月靜龍山夜風吹魚峽寒
幾回瑤瑟恨愁極不成彈

憶兄二首

臘色冰河阻維舟旅恨生
溪雲含嶠遠舡日落窻明沙
雪春前樹烟花江上城
夜來池草夢無限憶况情

其二

鳳亭何縹緲離析對迷津
况此雲林晚俱為憔悴人
朝霞寒罷雪谷鳥暗移春
歸賞應同醉初圓江月新

金陵送顧元卿三首

長揖秋空暗歸途出建康
偃兵城月苦驅馬暮雲長
籌策虛旗影勳名撫劔銜
悲風日東下江海自茫茫

其二

司馬初承命中丞已挂弓聖朝無久戰壯士惜奇功遠
水龍旗靜孤城鏤騎空良圖終自蘊彈劔向秋風

其三

老去參戎幕秋深赴帝畿王臣擐甲久漢使出關稀彭
澤淹長計鄱陽挫武威空餘烈士策秣馬故山歸

旅舍戲成

門外清溪水溪流一曲斜銜魚上水鳥驚燕落橋花齋

磬鳴秋汐瑤宮背日華江航時裊娜是否阿儂家

秋日同兄子浚第子約山人虛岩觴於金陵肆

中忽已踰旬握手慨歎因賦短篇

我來金陵肆瀟洒醉花前明月向何處愁聞采葛篇遊
燈遙逐浪歸騎暝如烟莫遣鄉心急商飈永夕傳

感賦

昔日吳門客干時今未逢摧藏事行役流落感游蹤遠
水天為色踈楓錦作容此宵那可寂展轉達晨鐘

陪都南濠顧東橋陸白溪遊上方

平橋連古寺風日此重遊
雨霽山明席秋暄花映洲巖
崖虛閣綴杉檜野鐘浮五馬趨陪久
幽林暝自投

懷南庄

坐惜雲庄靜空嗟晚計踈
雨扉猶面寺秋水舊通渠積
蓼溪從遠寒霜架欲除
明時終獨隱花竹念吾廬

走筆送武祥

去國指皇京霜江對月明
龍車斷消息祇益故園情
雪

暗黃河獵天長碧海旌關山聞夜鴈流淚念長征

冬日雜興二首

黯然臨谷口流水澹斜曛短景傷心切遙天引望分
殘叢迷夕靄寒嶠入冬雲徙倚那能慰仍添塞鴈聞

其二

風葉低殘日雲汀引暮沙村荒堪抱影地遠欲移家
養拙耽虛寂橫經負歲華桓生難再得況可覓侯芭

冬日憶子允

悲君淹宦迹陽鴈不同音
白髮名俱晚滄江恨轉深
早寒生旅食殘日斷歸心
忍報星軺發遙愁雪霰侵

送子循次韻

落渚承纖月呼杯送旅人
淹留幽抱隔憔悴暮容親
鳳德非歸日鷄鳴是舞晨
眼前飛序急能不戀華春

吳子新遠招事阻

故人湖上至邀我泛滄波
明月佳期阻芳尊意若何
長懷對山水莫以滯雲蘿
耿耿夢思遠空城風雨多

訪陳可與

故人避雲竹一別每經旬
接燕乘秋月長歌惜病身
松風欹坐穩池水野情新
他日嵇康傳還須訪逸民

題正覺寺和紹卿

精舍坐忘機花叢晝掩扉
洄沿過石徑窈窕戀清暉
野色藤軒滿庭陰水竹微
東林一尊罷蘿月夜深歸

欲雪

獨立江城暮江雲百里同
寒光膠水逕雪意滿簾櫳
遠

嶠開仍碧斜陽掩復紅何妨慰殘臘蕭瑟舞春風

子新見過命酌

何處雲林客來過酒亦傾月明重此夜花暮惜離情水
國收全薄春山隱未成時時喜親舊相對說平生

舟中與虛巖子循共話二首

帆色迷征鴈迢遙晚吹聞耽遊逢逼歲真隱羨同羣春
動琴書日溪明俎豆雲當令濁世客舉手揖高芬

其二

亭渚衝波亂雲天此共歸衆山隨霧合孤鷺與霞飛晚
計須終畝微官易拂衣異時應譙笑曾記願無違

與子約話舊

與君寒坐好斜日隱蓬茨共引征途話猶勞隔歲思鴈
留驚別影花盡劇愁枝最是懷人處空山雨雪時

皇朝詩林外集卷六

欽定四庫全書

皇甫少玄外集卷七

明 皇甫孝 撰

五言律詩

人日西苑

早春開令節仙苑麗皇居
芳氣滋文沼和風薄綺疏
覓花翔瑞鳥逐藻躍祥魚
今日歡遊勝雲霄睿景舒

早春對雪

氛氲看麗雪飛舞下遙空
汎彩仙宮裏爭春御苑中
玉堦籠樹日珠綴蕩花風會
覩三青鳥瑤池路已通

子循至都感賦

南國雙鸞鳥雲霄擬共翩
喜逢今翦日還愴昔羈年
會晤真如夢追思益可憐
開尊傍花萼促曙不知眠

答子循齋夜見寄

列籍並為郎齋居接省堂
清風那可限明月正相望
花送琴尊馥松披戶牖凉
最宜星有爛聯彩棣枝傍

圓通寺

曲溪面靈峯晴開芳甸容日飛青嶂瀑雲度翠微鐘樹
色分巖滿花陰接澗重一行尋淨業頓悔繫塵蹤

喜雨二首

乍擬徵齊殿俄驚失楚臺炎銷丹禁徹爽合紫宮來入
野垂雲足含樞雜電催聖心元未已喜自萬方迴

其二

陟降超玄理文華軫睿憂祥風動地至嘉氣接天浮灑

鳳聯宸闕歸龍拂御洲洗兵當此夕瀚海正安流

中秋

萬里中秋月光華滿帝畿感時頻送酒望遠各沾衣
江冷魚波急天空鴈序微更憐流落羽茲夕近宸輝

送黃六桂還臨清

黃子悅豪遊矜誇俠客流故人阻千里命駕遠相求
握手古今意出門雲雪愁我心激高義臨別贈吳鉤

秋城雪夕

飛雪度高天悲秋倍慘然鄉遥鴻鴈外寒重菊花前
羈旅衣方授淒涼夜未眠無由故人至爐酒話窮年

沈秋官舜臣改南不遂寄慰一首

署庭白日靜徙倚最思君空滯燕臺月頻看建業雲
離鴻飄暮影叢菊散秋芬且共一壺酒來銷羈念殷

寄王道思常州

遷客傷秋別蘭薰記昔同百年憐義重四海識文雄
白壁何期點清樽幸不空幾時還一笑把臂挹芳風

送張郎中謫青州

臘盡催行役，風塵旅鬢侵。
窮途應有作，戀闕豈無心。
海微銷殘雪，陽和發舊林。
州人迎半刺，猶憶主恩深。

應午有作次韻奉答

梵宇憐幽麗，華林午正陰。
清風一披拂，炎日為蕭森。
竹葉迷鄉思，蓮花淨客心。
能詩謝康樂，慙並玉珂音。

子循書至

兄弟苦離分，他鄉消息聞。
淚添花並影，鳧繞鴈為羣。
客

裏中山酒愁邊碣石雲徒然鷓鴣意春草共紛紛

憶遊二首寄故園兄弟

蘭浦乘春舫花溪逗錦暉
魚聽歌出鷗鳥近人飛
祇恨流光晚誰言樂事稀
酣來不迴櫂留月舞羅衣

其二

化城開碧落別墅枕江波
二月啼鶯滿中流畫鷁過
雲林芳賞間風景暮愁多
夢裏攀荆樹朝來奈別何

送徐子直晉藩會葬

東海遺章切津亭寵數優省郎持使節護禮向汾丘惜
別蘭香寂懷人桂樹幽南皮愁見月不獨為應劉

寄顧武祥

之子乘春發英藩使節過別離殊歲月愁思共江波桂
樹幽襟積花時旅夢多從來邴生意只自戀巖阿

寄徐民則

慨自遊京邑俄悲歲已侵蹉跎愧簪組悵望隔雲林沼
影含春弱巖陰抱雪深徒然對尊酒難慰素居心

子循將至感賦

負劍遊燕日，彈冠仕漢年。
棲遲俱已矣，悵望各潛然。
迷鳥寒烟外，驚鴻落月前。
可憐茲夕夢，猶自問山川。

春朝感興

萬里天南鴈，春來盡北飛。
傷心薊門柳，驛使到何稀。
林吐新烟媚，沙延晴旭微。
不知天畔客，鄉淚幾沾衣。

慈仁寺遲念上人

東林懷舊賞，歌馬聞鐘聲。
春樹浮階碧，晴霞繞閣明。
登

臨遲孤客徙倚眺芳城想見凌空錫雲天搖暮情

獨坐偶題

聊因斷車轍孤坐息塵機日暮寒山望庭空雲霰微春
江思荏苒閒鳥歷芳菲嘗憶東林下經年但掩扉

清河道中寄京邸諸故人

逐客多行役塵踪未即安時光入夏序夢寐在江干旅
思雲迎旆離心柳拂鞍遙知霄漢舊辛苦念南冠

寄謝司直

魏闕懸秋望，龍樓在九霄。
愁連沙塞月，夢隔海門潮。
江帶千楓落，霜含一鴈飄。
御溝分手處，垂柳日蕭蕭。

招金生

下馬駐征旗，金鞭掛柳枝。
故人從此別，千里遙相思。
鴈積南歸恨，花停北上期。
閒來取一醉，共話洛陽時。

春日上方

霽曉披殘霧，春深泝溢流。
朋遊狎林鳥，逸思引江鷗。
花氣侵杯度，山光映席浮。
不知軒冕貴，來問野人舟。

西山游眺

我尋湖上逸華色季春時日氣團青藹雲光蕩碧漪
搖情屬源水流目亂花枝為向同遊說年芳併在斯

游虞山

獨溯冷風入丹梯海氣涼瀑霞搖草樹巖翠濕衣裳
決泝窺銀闕莓苔指日梁茲遊亦何幸信宿見扶桑

湖溪夜歸

棹響亂寒葭澄湖澹落霞洞收雲彩盡天入海陰賒
杳

靄迷村樹空明漾浦沙却疑牛斗近銀漢轉星槎

海上聞敵退

魏闕羈臣望邊平信息傳晴銷萬里侵春動九門烟泛
海生雄氣看雲賦雅篇長悲漢飛將白髮棄藍田

送陸子還山

灑淚送君去一尊江雨寒遙林歸夢積晏歲別情難竹
外洞陰合郭前湖影寬明時忽自老惆悵負魚竿

花朝

曲徑香風轉芳亭淑氣催入紅藏逸釣拂翠引仙杯問
俗春遊勝占豐霽色開韶蹤定可駐還有月華來

和空梁落燕泥

愁度呢喃語空餘玳瑁春不堪零落意重感別離人舞
帶銜花馥飄隨汚粉新含情掩歌扇猶似下芳塵

和鳥散餘花落

綠羽去相隨紅英不自持風斜花冪毳霞亂鳥驚枝送
翥香遙襲懷芳影屢窺坐傷園館寂懸月照相思

浴竹堂作

覺路東津岸烟蘿一徑深
尊中得宴坐象外引窺臨
暗竹雲經覆高松歲不侵
偶來同袂襖清淨本因心

自穹窿至光福寺作

漾剎烟蘿細凌空石磴微
雲隨朔風馭霞拂罨花衣
泉鮪疑聽法沙鷗解息機
從知投綬客心慕潁陽輝

虎山橋

一水涵空去羣山擁翠來
虹飛霞際落鶴舞鏡中迴
錦

淑春風亂花堤夕照開石梁從此度何必向天台

北峯寺

仄徑緣雲轉春山隱梵宮閒攀蕙圃日清度竹林風疊
嶂丹溟外諸天翠靄中冷然發孤嘯頓使六塵空

上巳橫塘舟中

伊昔蘭亭禊清風茂藻傳偶來乘暇日臨水列芳筵竹
徑通雲竇桃溪接澗泉流杯那惜醉歸憶落霞邊

泊舟虞山

曉泊虞山下巖光晴望開樓觀滄海盡溪引翠崖迴綵
霧輕流壑香泉細落臺長春七檜樹雲色記重來

松下看子循宜俯登虞山

繫纜清溪樹看君皂蓋浮行攀梯日暮歌落海雲秋探
穴仙蹤秘臨泉秀矚留坐來松蔭徙却恨不同遊

登虞山絕頂旋觀風壑凝泉不拂

晚興尋源入清流澗道暉丹蘿繡巖石蒼檜染烟霏壑
淨驚雲落天長見海微珠泉晴不捲含意待龍飛

同子循宜俯夜看虞山倒影走筆詠之

岸北虞峯影凝寒倒碧川俄看不辨樹臨泛欲浮天浪
隱緱山鶴烟迷華嶽蓮今宵坐鮫室星作夜珠懸

中峯

香岫披雲磴丹霞引洞天攢柯封伏竇拂牖落飛泉世
隔桃源裏炎銷石室前何時除害馬來就沃洲禪

皇甫少玄外集卷七

欽定四庫全書

皇甫少玄外集卷八

明 皇甫孝 撰

七言律詩

立春作

依依柳色動蕭關
聖駕迢遙尚未還
驛騎不堪衝雨雪
江臺空自望河山
宮池日動仙班入
輦路雲深代馬閒
萬里王春連朔漠
不知何處候龍顏

驛樓

驛樓雲暗且停橈
楓岸應含水郭遙
落日更逢南浦雪
寒江偏聽海門潮
故知書劍從孤客
每滯冠裳戀聖朝
萬里風塵愁極北
河山一望轉蕭條

懷林先生

水市烟臯幾獨過
春來重覺戀巖阿
荒城寂寂青山少
驛路悠悠芳草多
天外音書常斷絕
江邊歲月易蹉跎
居然萬里悲遼落
無那雲濤起棹歌

馬上望茅山

歷歷晴山次第開，深春孤客望仙臺。
從誇蓬島人間見，信有羅浮地底來。
碧樹依微清澗曲，丹樓想像白雲隈。
花深不辨桃源路，落日松風萬壑哀。

寄喬白巖

海內誰居第一流，鍾山凝望坐生憂。
江湖流浪看孤劍，花鳥凋傷攬弊裘。
十載風塵猶仗節，百年勲業謾登樓。
閉門錯擬天人策，寂寂空帷到九秋。

近城子循室病馬上言別

日晚冰河去楫遲
桂叢烟霧迫寒姿
樓臺樹杪城逾隔
鴻鴈天涯雪共悲
獨馬歸途江遠處
一尊吟興月來時
人生聚散渾難料
故國殘雲有別離

憶戊寅舊遊

吳山寂寞兩經春
忽憶當年歎此身
白鷺洲前雲自遠
華陽洞口鶴空馴
關門風雨尋詩在
澗道烟霞入夢頻
失意每多懷舊恨
苑花簷燕倍傷神

武祥欲來

懷君霜後幾登樓，落木蕭蕭古苑愁。
百里平波空恨別，數年歸馬更逢秋。
天長水國思能賦，花向閒塘憶舊遊。
共把茱萸須此日，北山疎雨待扁舟。

雨花臺

荒臺衰草此登臨，風急城高感客心。
落葉萬家迎闕冷，長江千里向雲深。
丘墟寂寞苔生路，殿刹蕭條鵲繞林。
回首南朝無限思，豪華今古獨長吟。

子循別迫再賦

短日孤亭此共歡，兩宵懷抱向誰寬。
梅開臘邑逢南信，雁過春臺是北看。
漢室孝廉名位晚，謝家兄弟別離難。
曲江遊賞非吾事，且逐漁翁送逝湍。

送吳子新遊武當山

名嶽峻嶒近紫霄，松門烟露鬱迢迢。
尋山自喜乘春日，去國偏憐聽落潮。
千里芳洲看漸遠，九江寒雪已全消。
樓臺縹緲超鸞駕，獨理玄旗度石橋。

贈某二守

萬鐙春市壓花叢
壘管流車夜夜同
治理故知誇野獲
物情先願卜年豐
承風伯始聲逾美
不語任棠意自通
況屬政成多麗藻
祇今詞賦說關中

至夜贈以言

燕客南歸值此晨
故園松桂且相親
征衣尚帶沙河月
建節空違塞驛春
草木新陽千里恨
閭閻佳節百年人
山中與爾同理照
一醉從教過十旬

舟中無事自論風雅因憶吾弟感而賦此

重楊送別御溝斜回首風烟使我嗟故自天南悲索處
每於江左惜瑤華客魂易入池邊草逸體新餘海畔霞
小謝才名曾擅美吾家千里為君誇

送友

湖流瀉碧綵帆懸扶病看君去若仙鮑叔交情論夙昔
馬遷文思發山川金扉蔥鬱宜前席寶瑟分明是別絃
向說瑤音知不惜秋深好寄桂枝篇

天子禱雪南郊弟子循解褐未歲睹盛曠古走
筆賦其事書聞遂述短篇

屬車當臘傳郊駐側喜凝華睿想勞霄漢盡應趨劔佩
江山空自望旌旄珠簾暗護龍鱗暖玉闕全迷鳳影高
文似相如非忝竊甘泉從此日揮毫

近歲憶寄子循

迢迢獻節他鄉意勝裏燈前帝景新恨結雲霄看不極
愁飛霰雪望無垠朝回寶馬行多色宴罷瑤篇句有春

索處自憐旬歲病椒盤傳祝泰來晨

元日

禁城宵啓放朝天春殿氤氳警蹕傳庭儼鶴行輝燎火
簾開龍座裊爐烟和風已應蒼旂轉晴雪偏宜綵仗聯
短翮濫飛無以報恩叅華蓋又經年

新正雪日東唐陳二子

上林飛雪曉無垠麗景芳年屬此辰到處風光催獻節
滿城花色待遊人瓊華島畔看偏勝玉竦橋頭望轉新

定是鳳池吟賞客不將妍唱負陽春

雨中偕同年楊君展眺

閒來策馬傍金扉鷗鳥明波淨客衣帝境秋清遊始到
水湄人遠意空違雨過千頃城陰亂霧動羣堤樹色微
想像石湖棲息地與君吟眺未能歸

送宜俯歸

原日登臨為黯魂客裝塵霧起都門故人此去惟衰鬢
秋色偏來近別尊燕塞北看雲欲盡潞河東下雁初繁

鮑宣得有山林婦歸到寒窓與細論

經海印寺瞻眺

嚴扉不盡到澄湍獨立蒼茫興未闌銀漢遙從天上落
珠林皆向鏡中看垂楊怨別霜華早野鳥忘機御景殘
即此已令塵抱失何如終把釣魚竿

接張濟父書二首時張自浙臺告歸不遂

南來已是厭承明問訊何由旅病生乘興能忘剡溪棹
夢歸誰阻豫章行傳書喜傍寒梅色感事驚聞落雁聲

江閣倚欄還極目西湖烟樹不勝情

其二

幾度倉皇出省闈沙河風物每相依邊關並馬驅殘雪
漢室諸陵眺落暉共笑守玄甘自棄獨憐稽古與時違
十年回首同遊恨吟對寒雲淚滿衣

冬日感寓簡子循

寒城斜日眺層阿寂寂花洲雁影過江色似迎張翰遠
濤聲憶傍胥多清尊且許愁來共白髮其如老去何

書報惠連吾欲隱洞湖西畔足風波

華亭張子夙登琴好病劇辭歸久不相聞季氏

子約作詩懷之因賦此篇

華亭幽叟去江濱一別音書更不聞每訝舊諳山水意
祇愁今作死生分孤鴻失路遙憑月獨鶴尋山自入雲
冬夜肅清春藻麗賞心何處不思君

午日子循弟有作和之

翠華當日幸甘泉際曉鑿回勅使宣玉殿雲霞輝綵仗

金河花柳馥瓊筵
阜民澤沛薰弦奏
長命恩深瑞縷傳
却憶同歡詞賦侶
何人重醉鳳樓前

五言絕句

峽中三首

日暮南津道
猿聲兩岸長
悲風鳴水石
不覺淚沾裳

其二

人逢故鄉少
船度使君稀
古雪流蒼壁
春山寒客衣

其三

風帆絕無力百丈石林逢雲雨高唐路空山愁子規

玉階怨四首

明月皎羅幃青苔無行跡腸斷遠征人猶是不相識

其二

自矜桃李質生長在深閨含羞不異昔不解道相思

其三

新寒切羅衣熠燿流珠箔道是深宮裏還得風波惡

其四

獨向粧臺泣玉顏
今悞身長門
猶有月能照
兩人心

客舍漫興三首

我向長千里長
千花滿枝折
花看自笑
忽省少年時

其二

輕薄他鄉客
醉酒金陵春
走馬垂楊下
迴鞭調舞人

其三

正月落江梅
二月開桃李
獨着羅衣裳
年年度淮水

客館偶述

若為愁不語孤坐欲沾衣况聽砧聲發城高月落微

醉歸二首

醉入清林去高歌人跡稀故園霜欲落惆悵只空歸

其二

西郭秦樓上荷花舞曲長相思對流水惜別怨垂楊

咏白牡丹一花

何苦春風吝名花不兩生故知姿絕世獨自表傾城

送僧

琴尊冬日暮杖錫此時分別意禪心外滄波隔片雲

七言絕句

白下憶弟子循

丹楓百里見揚州北極遙連星漢浮吾弟何由在天末
江雲飛盡夢寬秋

憶周以言

與爾相違已隔年令人相憶望南天忽看春色無多在
懷舊傷春益惘然

近淮東行之

平明江月沒江天放溜乘空去若仙期爾山陽醉眠處
垂楊岸北落花前

冬日過子新隱居雜賦二首

布帆乘興往來閒一水平鋪翠靄間冉冉風林天外遠
青青半是越中山

其二

萬里遙天雁影稀晴臯獨立思依依偶因鱸膾思張翰

肯逐秋風江上歸

南園雜詠贈友四首

竟日忘機對此君
風來滿院最堪聞
翠莖瀟灑吹笙罷
會有鳴鸞落紫雲

其二

采采金莖玉露殘
南山遙對寄餘歡
風塵盡笑酣中客
昨日都亭幾挂冠

其三

江南春色早梅開
素影參差映酒杯
閉戶不穿東郭履
庾樓清嘯碧雲隈

其四

亭館幽閒暑氣沉
露珠初滿翠流深
眼前色相何為者
對爾方知不染心

閒適

湖波搖颺水雲空
十月霜清楓葉紅
天際棹歌鷗不起
片帆歸去荻花風

再送武祥

千山梅柳向芳菲
匹馬西辭入帝畿
春色滿城新衣錦
何年却有故園歸

除夕再憶子循弟

鵲鴿原上思淒淒
除夕他鄉望眼迷
雲雪滿淮看不見
也應知汝夢魂西

雨中陸子飲話不寐

望入雲宮暑氣過
客牕相對雨聲多
無端忽起江東思

玉柱金庭赤爾何

皇甫少玄外集卷八

欽定四庫全書

皇甫少玄外集卷九

明 皇甫湜 撰

賦

白樓賦

狗華先生遊乎抱朴主人之宮夢夢莫爆爆電勸曳

然而病羸勅然噴引唳尸之曰蕭條乎寂寥乎子之居

斯固子之諳而吾之所不喜也飛構千尋綺飾百名藏

土木抗天庭日月經袂

於兩振真

星辰垂椽

渠馬

墉纁纁

足紹

黠他廉黠他九赭

虛力輕

耻京黜

伊黜

古黜

輝赫翕習半散祭爛洞

心駭目李耳慙慙

於占

而展季宴衍此騁高衢者之宜盤

桓薄霄漢者之宜遊衍而窮天下之極觀也吁嗟乎子

此焉托處矚彼頽墜

於故

何以為娛內不得康外無所譽

空曠無謂令人居居且所值而變所遇而究何有涅而

不緇是以墨子感之於泣蒼蠅畏之於詩曾不察皎皎

易汙而下節是持寧免見笑於魁吾之夫大方之家乎

主人曰是非汝之所知也見其一未睹其二有疑冰之

謂醴

醴側

染

才

醞

體

九醞十旬非不旨也而太上者乃

有嘉乎明水狄成滌濫要眇靡曼非不美也而極音者

乃有取乎䟽越子徒佚招嬖之機飽爛腸之食鯤鵬搏

扶搖徙南溟不知捨榆枋者所以為適聖則合章總期

亡而瑤臺璇室嗟造天之阿房曾不荏苒而琬鬼側彼

赫赫之多飾使神洋洋而心失胙喜蠶盈於寰宇又烏

睹夫寧寒細善哉揚子之言曰客徒知丹朱吾穀不知

一跌將赤吾之族也慕庾子之高懷遺後昆以貞規既
因物而變遷亦隨時而推移原伏之以終身何閔化而
生悲孔不顯勇於翹關老深戒乎若虛齊物萬以逍遙

豈炫耀之足持某斯宗之孤峙聊叔而棲遲若怪隸誠訶

木事不縷土事不文綴以石英斲呂璵璠丙而熒璿璿

璿連儼汗彰汗璘落璠璠零穰穰之皓露垂容容之鮮雲曉

月流於空梁微霜集於素茵浮澗溟之春鷗舞玄圃之
仙禽風颺颺而循楹失埃塢之紛紜收余思而玄覽識

營欲之非心實喬期之同好恍疑登乎崑崙矧巖巖我
我探玉府步玉堂揚歷之所宜居懷葵藿之孤忱終古
承乎紫微軼世塵而高邁匪大行之崔嵬翔寥廓而下
視又何戒乎斧梯紐瑞玦幃江珠命萼收使當御詔望
舒使先驅坐石室麾丹梯晏月窟盼瑤妃朝沐予佩於
天津夕宿予馬於玉池寄閔軒於堪輿乘閭闔而西馳
汗汗哲制曉皎於星辰兮翬翬高晶乎鏡至清兮純精洞
潔窈窕縹緲恬空虛兮淵泓幽藹顯敞曠朗冲坦夷兮

沈沈隱隱漠無為兮美哉輪馬憺忘歸兮則子見晒得
非下里巴人不知陽春者乎於是先生索然而悔每恍
然而失曰吾乃今知盤古之槽巢葛天之營窟也比壯
麗於丘垤視極寵為行客踈紺緡簡烝栗削崇觀去諸
飾從子於太素相羊於無極

慰志賦

并序

嘉靖五年余春秋三十六月惟誕晨興肅躬奉觴於
大夫宜人之前懼言旣浹兄弟咸具竊感夫電逝胡

迅茗榮易毀余也虛忝士籍塵斗金之給而無一命
之貴業與年而共凋學與位而盡無悼心慚影不能
宴如嗟乎何泰非天何否非命裁端於人已者諒哉
拘填囊檻幽不明也余恐志多之累心憂深之賊生
舉酒自勸旣而濡毫疑意順心斷疑作賦一首命曰
慰志云耳辭曰

佇幽覽以撫節兮感余辰之行邁忽鱗序之無停兮神
忡營其靡屆攬瓊華之雜佩兮膺桑樞之邈介慨屬離

而懷明兮鳳鳴岡而噦噦閱騎省之遊處兮迺二齡而
俄會善宋王之悲言兮時與秋其並逝颺輕迴以襲膚
兮情坎凜其紛萃悲夫辰有謝而莫窮感有滋而易昧
夫何窮之或遷亦何昧之能察昔賢聖之莫存兮豈茵
蟪之足議日罕中而不昃理無約而不泰揖唐生而弗
疑保神珠而弗墜玉猶眷夫斯樂兮寧假榮於朱紱抑
南遊之耿恍兮飲東陵之延慨于是異羽警晨盥嗽咸
畢草萋萋其含露簷瞳瞳其出日斑衣御蘭觴鬱暢重

軒之嘉貺腆二人之以懌于容駟而自悅和抱珍而屢
失奉懷瓊而銖賢魚害生而興泣胡玄化之舛馳兮諒
萬萌之難一憂糾集而無方兮委天府之可逸歷遺言
之多轍對物感之殊歧曾與蹠其同域其反覆之莫儀
有恒浚之斯獲準伊獲而亦睽籌閔種於陟銳說胡艱
而桎非有陳讜之斯納準伊納而不齊或一言而取相
七十說而服微原既忠以淪湘誼又何事乎揚辭均俯
仰於一指聊遲遲而如斯徵尊安於典訓服仁義於書

詩顏殆庶於不貳兮孔賢哉而歎思帝含垢於大志兮
基苞桑而弗虧若前軌以勅已兮吾惜陰於玄闈寧托
慕於顏閔兮從所好而忘悲遲美人之芳訊傷曜靈之
餘光俄暉散於窮木明月照於空房巖林幽峽原薄蒼
茫悲聲寥落而四起夕陰迢遞而未央禽登棲而無影
鳥求羣而孤翔命清樽以自酌等臞肥於一觴旣資斧
於金石亦澗澗乎彭殤北叟兮吾識其倚仗南容兮吾
戒其方將抽琴緒而幽結發微音於清商知其無可奈

何而安若命兮何蒙師之言為有常

澹泉賦

友人臨泉構室扁曰澹泉徵文發義予時困世嬰痼
稅駕靡由迺嘉其取類感其幽尚而為賦之其辭曰
騁高衢以遐覽兮佇墳園以盤桓傲斯世之阨蹙兮想
肥遯而孤騫侯躑躅於區中兮疲樊嬰之未捐舒長嘯
於大清兮蹤洗耳之臨淵諒箕穎之可蹈兮將茹芝乎
空山慕依隱之玄軌兮聊婆娑乎人間冀假物以託心

兮迺寓矚於茲泉悵疑志於乘蹻兮秉微尚而自宣要
同歸而異瀾兮誠邁迹乎通賢相彼泉兮澹矣其流孕
中孚以潛渫諶靈長而寡儔俯沖泓之渟澂兮瑩余神
而優游若乃天氣始肅水潦方收戡浮陽而愈潔湛寥
沈而彌幽侶寒臯之孤鶴兮陶麗月於中洲鼓鳴琴而
臨泉兮庶卒歲以忘憂爾乃嘉陽載熙藻日初暉感出
泉以游目兮悅芳津之尚微攜友生登崇基發清歌席
川湄鮮雲垂而曜野惠風舉而吹衣繫同體於淵澄兮

浮清漣而命危效蒙莊以齊物兮夫何慮而何思惟伊
人之取類兮獲睎古之幽情遠辱殆於止鑒兮挹上善
以為名氣合漢而醇白兮泊與世而無營混盈虛以滋
物兮納穢累而為清委塵纓於一濯兮苟余心之可明
願遡洄以從之兮保昭質而居貞

序

奉送冢宰白巖喬公序

我明開基丕宅神孚化應列聖彰道綿祀永功裏簪外

組罔匪究心之士文旬遐域咸無感額之子崇載籍而
興禮樂登三五而贊化育維時七廟成德哲謀自天要
亦二三元弼為之訓迪圖猷聿寧大業也嗟夫時必代
謝物罕常臻陽運中厄式化弘艱宗祐光過城社潛煽
敷天之下鑒古訓者緬迪哲以含悲懷中邦者唾羣儉
而橫憤天眷寶曆春照玉牒今上虎變封即龍飛自天
冲年肅睿道德齊聖夫以海內蒼生思安衽席重足延
頸委心於楚江之濱歸命於京嶺之陽者十年於茲矣

而皇上御極果能精式獻王之心徽紹七廟之治大賚
方展謳歌斯溢庶習咸屏元慙既殄拔典刑之者表忠
諫之烈言無不聽斷必已出雷電合章天地交泰雖周
成有虛受之孚漢昭樹明忠之譽亦何足以方斯盛是
以草莽之臣藻績之士咸仰官儀而褒日月攬唐虞而
頌山河矣至夫親賢與能常吉在位丕謨鼎建惠澤川
流而天官者秉鈞衡佐皇黜陟五卿之冠冕百官之領
袖也邦治炳鑒於周書隆德歷紹於唐典國樞斯在帝

東恒眷皇上既即位之四月冢宰虛位當宁積思僉曰
南京大司馬喬公膺受至寄允哉其宜人謀既同綸音
大降公乃感激思奮明良作休禮鍾山以命駕循長江
而啓途自留都之民以及百執事莫不懽然永懷惶恤
師保抑孰知叙百揆所以厚安留都哉公太原人抱陰
陽之知稟山川之秀異質茂業天裕人寧弱冠登朝游
之以仕優之學溫良燮易忘已率物存乎德彌綸軒朗
研幾致用存乎變輝煌曄郁飭材範後存乎文懷誠貞

度其風似君爽敏惠發越其通似姚崇英華博達其學似歐陽修斯江左之美談天下之公議也矧厥祖考世篤忠貞厥有成績紀于太常昔在孝宗朝爰典銓曹克精藻鏡偉斯碩輔人其舍諸巖壑小子作而言曰嗚呼休哉天之垂裕我國家衍隆祚於無窮也蓋自先朝化艱台揆御事允邁大否懷逸則明農而深隱樹貞則集尤而遐竄秉節則成仁而自靖中人則染化而成戾居窮則毀敏而安野或遠或近或去或不去歸矢其志而

已矣公擢奉常逖居南土贊天子幾務晏和九載國家
之元氣恬優不撓五行之精異粹謚而寧天壽平格以
佐後人至誠之道可以前知矣夫正者聖德之所以恒
本和者神用之所以不窮公智享天心仁永後觀爰用
平夷剗其戟級求備之瑕公有弗棄德高之議公無所
覩豫章變作自江而南倚公以為輕重人情大駭令由
關決公勵身強圉銳置要害誓江淮之甲墮睢陽之淚
君臣大義倡而顯明若此者正和咸宜本用不倍惡足

以為公累哉故曰天之垂裕我國家公之文德咸罔不
聞皇上神明素所鑒賞鼎命後發人謂斯何夫擇者
嚴則其所望者切望者切則其所責者重亮工熙績必
得其人故曰衍隆祚於無窮予小子游公之門久於公
之行其能無言嗚呼無疆惟休亦無疆惟恤至理孚於
小物聖德欽於輔相故表天之微揚公之志而繼之以
規公亦尚念於天人哉

送王尚質應詔之武昌輸粟入太學序

吾觀豪傑士抱業以求顯過而不遂則憤懣憾悼而不平殊途異門苟足以售其藝將毅然為之我國家鬻爵之制不瀆不濫命生徒納粟入太學然魁資首族與亂良法由是綺紈之子操籌坐食之夫揚揚然立於俊造之地為談者捧觴屬者歷兩試而登甲乙者又往往有其人是非吾所謂豪傑抱業以求顯過而不遂者耶今年秋楚餓民倦憊流徙以為官憂中丞開公䟽請敷成典以仁元元天子權之以宜合之以議可之視地以量

數因階以異入吳學王尚質以連不得志於有司將浮
錢塘出武昌承休詔焉余為之言曰孝以立其德勇以
修其藝德立藝修而祿隨之今子不顧千里之險求為
親榮可謂非孝歟自知之明毅然與於衆人之所同趨
可謂非勇歟負是賢矣而又有王制以容其身不平以
激其氣鉛槧之徒相率鼓譽澤宮之內因而化洽乘風
雲而翔使廷尉之公法潁川之循吏復見於今日吾固
知殊途異門果不足以病吾子矣是行其勉哉

江集序

蘇士叢試於留都由丹陽登陸入通濟之門水行則由
潤州浮江抵龍關風便相繼以至士之不第者率浮江
而返困踣頓挫眠食得以自適崖湍迅激魚龍出沒之
險無厭也予於是得巨觀焉平蕪曉日極目千里迴眺
鳳闕香靄在望維揚瓜步烟樹隱映海門浩渺金焦秀
絕撫景命酌輒詩以歌之詩多放浪慷慨之辭蓋不覺
志意之有得而忘其窮也姑編之以識嘉靖改元仲冬

望日涇陽皇甫洵序

皇甫少玄外集卷九

欽定四庫全書

皇甫少玄外集卷十

明 皇甫濬 撰

記

安定書院記

安定胡先生嘗為蘇湖教授蘇學之興文物之盛實自
茲始當宋慶歷天子慨然思治而時未有建學制度踈
濶末習滋華益與道遠先生倡古法于湖貫學與政而

一之以明體適用為本設經義治事二齋以教史稱先生科條備具以身率先嚴無情容故一時作育之懋至逮譽人主取法國學固宜然也蘇學故有安定祠祠在講堂之左相傳為元祐中所創訖今承祀無改嘉靖癸未天水胡公來守蘇郡公名瓚宗字孝思治先理化敦崇表勵恒若弗及一日徘徊學宮顧瞻永懷曰先生有祠以先生之教不忘德澤在人也祀固有報而學可無勸乎學宮之南有堂焉實嘉會亭之舊後廓益備幽深

顯敬公因以為安定書院設先生之主於堂旁廡翼如以復兩齋揭而書之於是擇諸生之秀異者養習其中萃止逶迤登降顯顯遊其地思其人迪其教席間函丈詳論開說恍若揖先生於聲容之外士克和又政以大洽夫民性之恒治古之善其在人心千載一揆顧有所啟其端而後興其墜也有所托其傳而後久先生能興其教而教非亡於昔也公能舉其墜而教非強乎人也道一也亦以人污隆焉耳使公仁心不遐德舉不竟乃

今象設輝煌春秋薦祀習昵為常雖陟降時享而文軌弗著豈所以為先生重哉人才國運每相盛衰安定之教復於廢墜之餘其必有安定之徒出焉簡諒純明時舉於朝以贊休美下之觀望威儀亦有知其所自者公始肇之矣今之守若令競於末節學宇荒陲有不暇瞻者若公以教而為治因舊而為新禮不褻而義暢惠不費而業廣皆可書也歲丁亥公拜山東左叅之命行有期猥屬予記以列盛美繼公而作將有考禮敦秩者夫

祀必有配也其在公乎其在公乎

東隱記

吾鄉雄於貲者為淞陵之吳吳氏家於韭溪其族挾貲以競者幾世矣子新生長豪侈之中獨厭恥焉視其族人翹然不以為喜故動反其趣而業亦少墜久之益不喜恐恐然若將浼已者復息遠其迹稍徙而東曰吾其隱矣吾又樂夫東方也故聞東之名輒喜乃今泊然東溪之上意吾去違而適體吾去窘而安矣余因號之以

東隱而訊之曰余固求仕者不知隱之說子之隱柰何
曰吾非能若古之隱也直陋隱耳然竊有得焉謂城之
高弗曳吾履謂市之華弗注吾視綺紈可賤孰與泉石
之常貴珠璣可簡孰與霞月之常親合耦以望收垂竿
以俟獲長吟傲嘯不知一丘之隘萬乘之豐也此吾之
所以誇於人者也世之隱者有洗耳以絕人有深藏以
釣譽吾性甘恬曠而天畀以鈍拙之材迹有似乎隱而
心亦安之又以為食土之毛不容晏然而已度期而輸

聞召而役不敢後時以為鄉人倡違親以為高避世以
為潔吾不忍也故無絕也無釣也此吾之所以無愧乎
其心者也余曰若之隱如是是隱之嘉者猶將以為陋
乎然樂於東也奈何曰禮不云乎東方者春產萬物者
也吾於春時見生道焉見同物之仁焉竊又謂隱非君
子之所欲也故雖無周於世而同物之理所聞於聖賢
者不敢有忘於心亦聊以寓吾樂也嗟乎充子之操而
幾於全矣余聞君之子質惠而純學敏而勸向之所聞

於聖賢者將日教焉因知夫君子之欲固有所在也邁
迹伊始羽儀天朝以施澤於世是亦子之餘也隱於其
躬而避俗之志不違達於其後而同物之心不壅然則
充子之操而幾於全矣君之子我之自出也願記之以
俟

書

寄陽明先生書

往歲伏拜階墀與聞訓示援之於迷昧之域而納之於

高明之塗磨礪奮發不忘淵冰之念沖濤雖以涼謫獲

謁今之縉紳先生多矣嘉善者尚鮮其人況於不能而

矜之豈非望一二於千萬耶若公之於沖濤真可謂矜

而惜之者夫以不能之人猶望以君子之道此公之大

心宏度出於尋常萬萬也屬者豫章之變我國有疵沖

濤方以公在必將任天下之大難而天下賴以無事秋

間勉遊白下果識訐謨威稜忠節赫然遍著天下曉然

知明體適用之學於吾道光顯矣沖濤瞻想之餘復睹

勲名之盛踴躍當如何耶北來旄鉞勢必趨功此在成
筭必有所處然冲濤嘗靜而籌天下之事公今日所宜
為惟兩端而已挾權斂重潛折姦萌公果能之否乎誠
不如飄然長逝優游陽明之下可以出可以處蓄德而
服萬民愛已以為天下粵稽先哲此甚彰明者也不然
亦宜大僚屬之功名安近倖之反側示不得已之意積
不可欺之誠公之方畧亦豈掩於天下後世也哉若夫
推祖宗之威靈彰朝廷之榮華瑣瑣於言辭禮貌之間

此固虛文常事豈足道耶前日彭太保忠毅太過自蹈
危幾天下至今痛之公之所知也非仁無以立業非智
無以居功冲濤知公之心又嘗讀公之疏固無待於喋
喋者陳問之際不覺及此狂冒悚仄惟憐而宥之不勝
幸願

寄喬太宰書

某頓首比蒙德厚弗棄遠惠教札兼審附奉詩啓已
瀆鈞聽此心感念何如詩不云乎何日忘之譬猶深山

草木一日不死則猶仰明照雖然此豈可以言盡哉表
兄黃魯曾赴試禮部謹寄上賦二首窮處無事輒嘖嘖
鼠語無益於實事莫罄於紀述可笑也竊惟朝廷向治
如日之加長而我公姬公流匹有為於時其他元老皆
能仰稱上意而臨軒之策又將得英彥幾何踴躍後先
蓋已足矣士君子立心期於天下之治為之者既已不
乏其人士之未用者則亦優游林壑之下歌詠太平飄
然自遂故凡未用而懷戚戚之憂皆其心不廣若人雖

見用必無益於世故某雖屢見擯廢不敢私憂以自外
於士君子之志也向辱許跋閨集嫫母之陋豈不自鏡
顧欲因以聞教汲引有進是以私心不覺僭分耳餘冀
為國珍愛不宣某再拜

寄許少華侍御

少華相公閣下美時颺逝道範日隔悲窮興氣寧不
咨嗟伏惟相公威烈著於隆慶之墟聲實孚於明曹之
疏洋洋國士非公而誰茲下土庸生所以投袂而感激

望雲而號呼者也指期計道知公已在赤墀之側敢布
區區夫士無知已而誠投則應道無假合而義流則歸
求之於古豈必踵出索之於今何獨響絕嗟乎吾父抑
指天之誠蹈墜淵之釁抱痛沉絲何時可休向嘗瀝肝
膽抒情素而發公朗鑒動公悲懷悠悠蒼天緹縈一女
子也伏闕以致孝趙娥一婦人也惟車以快志 沖孝 何
人哉固已積不貲之尤招萬世之謗矣曩所云二公知
也虎揚鳳舉報之以滌垢之言賜之以維新之命公一

哀矜幽陋以手携之若火揚也而復資天風其何燎原
之足訛乎及夫事濟得以優游烟霏散矣野鶴去矣如
此則回陽於毀折生肉於枯骨衍之瓜瓞錮之金漆書
之史冊亦何厚顏夫崩城墜霜理有必至胡獨沖以
瑕疵之身過計通誠徘徊何見侶之鳥獸猶改日而易
歲乎伏惟相公圖之言不能盡

簡華陽兄

淳
白上華陽長兄座前竊惟時會牽局忽忽歲月文章

事業兩無所成此濬所以疾首汗背皇皇食寢也濬之於兄同情異擅每恐潦倒鄙文終不得一容足於七家之廡以恨生死顧神魂恍惚各相抵牾不見實效孰若一其志庶有成乎屬者僭得李何詩覺古人益遠又悞憤眊所坐向多學王孟其質度自然體裁迥立非可迹躡末流衰落緣失宗本豈心也哉七言古詩固以高岑王李為擅於諸體亦須擬議則生格近壯此非盲目叛說自所得云也夏夜無事課西湖歌一首寄棠陵子便

欲挾岑李而馳也吾兄以為何如 孝再拜

與友人書

僕之於詩自昔好之游詠累年稍克有悟妄謂作者乃大謬不然久之有得更覺開朗近復探繹豁若神解自以為枚王復起斯言當不與易所恨其論益精知者益寡況在末微未足以振之耳嗟乎斯旨若細然自景雲垂拱之間已號絕響矣寧復望於今之世乎昨接輿言所稱休玄落宿之章少卿浮雲之句冥契鄙心晚得知

已良用暢發所得信然其視埃垢細物何足復置慮思
以溷靈府寄懷倡答二篇傳之於世亦可無愧古人寥
寥二生當自信自珍要之百年桓譚侯芭可俟太史公
有云難與俗人言不類是耶岑寂中偶白何時有暇更
得晤言

寄霍渭崖書

某頓首不覲台顏邈焉四載景行之念其何能輟惟公
直道介節高視一世暫遠闕廷而哲聖鑒宣東朝之命

特先羣弼闡揚大猷以光燕翼海內縉紳喁喁仰望比
於姬公之還焉故臣賤吏思獻一言以昭快覩顧屈身
蒙謗棄戮之餘久忝門下拊膺躑躅沈吟中廢良用增
疚頃友人自都移書云霍公憐子若將痛其不遭而不
眩曜於衆之所云者嗟乎某之情事借使微公憐之而
猶將言之况乃惠以抗俗之知敦以生我之誼又安得
默默而已乎某海濱之寒士耳嘗思秉耒丘林而甘藜
藿暇則討古今之訓冀成一家言以遺來世而某之志

願足矣時乘風雲拔擢郎署已非志之所及而復有榮
進之想乎往歲遘改憲臣嘗辱公命苟存進取鮮不奔
赴而某固泊如也此公之所知也仲春之期迪簡多士
時有語及某者曰用其言而棄其人可乎名綴疏末職
此之由而何談者紛紛漫無流別玉石同揉屈子所以
悲歎也扈狩之臣無某之名而固受其罰乎此又舉朝
之所知也闇莫不昭痛毒在心滔滔其流孰可告語夫
榮不在於陟要辱莫甚於滅名某誠思之太甚之謠詠

於詩人必察之談垂於聖訓使人必有情言不可墜
某也獨無望於公乎倘因一言開釋讒妬振洩幽沈將
不有還西子於復潔由伯樂而改服者哉羈旅之所慷
慨營魂之所注結良在於是星窮歲殫觸物興感裁書
延仰愴矣於邑某載拜

墓誌

劉文與墓誌銘代家君作

劉君文與卒於嘉靖丙戌六月十有九日越載闕子畿

既得卜爰葬于長洲縣武丘鄉厥考湯溪府君兆室陳祔
焉實某年某月某日湯溪余故友嘗同舉於鄉又姻也
畿來告即遠即泣殘仰諸埋幽之石嗟乎府君胡嶺單
微文與之卒殘瘡至痛尚忍言哉尚忍言哉余昔與府
君游文與觴侍寡言凝然慧發佳兒也既室楨樹不褻
守遺業若固局鏞情儀謹雅又未嘗不為府君慰美哉
湯溪有子矣後則輿言譏譏短之者日至相予成基訟
牒室孚宜犴宜獄卒徒充楹文與素懦不能自直又以

賈役交承上下駢呵文與僞詬壅憤已弗遑靖而憂母氏之憂已也進退維谷槌心旻顛色如委梗俯陔絕粒以至於死死之日橐無餘貲惴惴孤嫠尚弗免於遺播顛危嗚呼若文與者慘禍極矣然覈其故特以保惜舊業積不能施親弗時展禮節多睽責望羣姒排伺扇慝至不可禦文與之心則何負哉嗚呼乃今知貨以藩也亦以亡也因思夫古之人非賄是惡實盈是懼而先王教化斯民為之分限經畫至詳率者勸戾者刑蓋雖踈

遠不交者亦有聯屬之道焉其衛善而擯惡固宜慮之
遠也使文與幸而獲生斯時不失為孝弟力田泮渙胡
考矣雖然使文與雖生於今而能如陽陵君之對君子
之富又不幸不能而睽於文與者有若晏子之仁逮國
人亦豈至此極也已乎文與今其逝矣彼譖人者釁起
毫毛巨莫之載毒非益我中夜以思能不有悔於中歟
文與存時躬善弗置間則勵其子使學畿承考懋益與
其季聰異競爽皆可望以顯親者安知天之報文與者

不在是也劉故沛人後兩徙定家長洲文與曾祖諱鉉
贈禮部侍郎諡文恭赫然為名臣文章德業垂載國史
祖諱許考諱桐尹湯溪有惠政蘇之世族惟劉為盛繁
昌莫與埒而文恭有厚德里中多薰而為善貴能寡約
族無間言表裏恬如其惟斯人乎文與名點別號怡靜
生於成化乙巳十一月十有一日享年四十有二室陳
氏子二男即畿娶錢氏女適某繼室都氏子四男坊堪
坊聘胡氏女聘某次幼昔者聖門之徒病夫人之賢莫

以定也子曰不如鄉人之善者好之其不善者惡之文
與其近之也夫是則可以銘矣銘曰

相民之臧終允其良乾餼式蠲幅禮式明干祿維億節
若維傾噫闇之悲象齒之殃彼弗令猷中安則陽既莫
既勝孰營炳昌幽深惻仁載畀之光永爾保佑勿替銘
章

銘雜題

陽山草堂銘
并序

顧君仁效世家蠶湖之東其相承而下咸病器華耕稼以自殷澹泊以自佚逮君挺發益昌讀書好禮每聞奇才博雅之士如賈人之於萬鎰之寶若不克遺樂聞一言而退是以吳之賢士大夫咸與往來寒溪方元素負絕俗之操遊蘇時君迎致日請所得素風弗替而顧於此乎有文矣及茹納更裕停蓄而章濡毫嘯咏居面陽山英爽怪狀靈賞心化冥默滋久恍乎若御列仙乘太虛不復與世接君之得於是山者

何如哉於是君為堂臨之以專其勝財不資衆工不
淹時靡麗而固靡大而敞堂成觀益奇楹抗森蔚几
落氷霜雲霞吞吐澄湖掩映餐華於甬中叢美於筆
端君取諸人以成其富取諸山以成其深謂茲山之
不可忘也懼歲時漸謝幽潛易湮風流所遺罔以告
後請予銘刻於茲堂之下銘曰

世趨紛濁益拳局兮賢永昭擴翔鸞鷲兮有山嶠嶢秀
而幽兮顯宇經構曠遨遊兮網緼吸挹文邃深兮銘成

龍石祝嗣人兮

跋短竹卷抄


昔樂天比賢於竹豈直愛其幽崖媚谷為山林一清玩而已耶抑亦謂其德之類也乃有節士貞臣撫景悲志激烈慷慨屢形於辭而不倦固宜然哉悲夫棠陵方公之意其亦滋蘭樹蕙之遺怨乎

書尤烈婦杜節婦二姑傳後

孝
觀兄世譜傳二姑者宜哉其著論之也杜姑世特近

具知其為之者自生時輒跛依依繕其性然吾曾王父
義甚肅圭撮侈偽無所於及有由哉蓋微姑則杜緒幾
墜悲夫尤之所為尤遂以不嗣或曰姑矯枉過正者歟
姑誠知所立落寞不可攷矣然豈以督過罪詰不得已
為之謂之烈豈過耶夫婦人信無能為行高秀炳炳出
丈夫右如二姑固宜範後光世人常見惡則瑕疵排訕
見善默不樂道又以為偶出倖就往往榮古虐今雖以
行高秀如二姑落落不聞傳且久矣嗚呼絕行卓立自

知其心蓋亦有湮沒者哉



皇甫少玄外集卷十